



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 49. Collatio septima.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

stola Hæretica est. Omnes eam damnamus. Sæculum VI.
Qui eam non anathematizat, Hæreticus est. A. C. 553.
Anathema Theodoro & Nestorio. Qui
banc Epistolam recipit, Cyrillum rejicit,
& Patres Calcedonenses. Hoc modo in
Concilio trium Capitulorum Examen fi-
nitum.

§. XLIX.

Collatio septima.

Collatio septima septimo Cal. Jun. id
 est 26. Maji celebrata. Constanti-
 nus Quæstor ab Imperatore missus, &
 Conventum ingressus dixit: *Satis vobis* p. 549.
notum, Imperatori in primis curis semper
fuisse, ut Controversia de tribus Capitu-
lis finiretur, & Ecclesia a calumnia, quam
hac super quæstione patitur, liberaretur.
Hortatus est piissimum Vigilium, ut in
vestrum Conventum se conferret; & Vi-
gilius mentem suam sæpius explicavit, dum
tria Capitula datis litteris & viva voce
coram Imperatore, Magistratibus & mul-
tis ex vobis præsentibus damnavit; ve-
rum invitatus, ut eadem in Concilio cum
Patribus damnaret, hucusque venire recu-
savit. Heri misso Servodei Subdiacono Nova Coll.
Ecclesiæ Romanæ Patricios Belisarium, Baluz. p.
& Cethegum, Viros Consulares Justinum 1539.
& Constantianum, atque Theodorum, Be-
nignum & Phocam Episcopos, ut ad se ve-
nirent, rogavit. Ubi venerunt, dixit;
 A a a 2 se

Sæculum VI. se in Causa trium Capitulorum epistolam
A.C. 553. conscripsisse ad Imperatorem directam, ro-
 gavitque, ut eam legerent, & ad Impera-
 torem deferrent. Responderunt: non pos-
 sumus sine Imperatoris mandato eam accipe-
 re. Sunt tibi Diaconi, quorum opera uti
 potes ad eam reddendam. Episcopi adje-
 cerunt. Si ad Conventum Nostrum veni-
 re vis, sicut datis litteris promisisti, Ca-
 put Nostrum, & Patrem Nostrum te ve-
 neramur. (*) Ergo Papa misit eundem
 Servumdei, quem Imperator, postquam
 Magistratus audivit, hoc responsum ad
 Papam referre jussit. Invitatus a Nobis,
 ut ad Conventum Episcoporum venires,
 noluisti, & dicis modo, te separatim in ta-
 bellis, quid de tribus Capitulis sentires,
 scripsisse. Si Capitula in istis tabellis
 damnas, non opus est, ut mittas, sufficiunt
 epistolæ, quas manu tua scriptas tenemus.
 Si

(*) Testes profecto! quorum suffragium pro
 Auctoritate & Potestate Romani Pontificis con-
 tra Protestantes est inconcussum. His & mille
 aliis Testimoniis retunditur impudentia Interpre-
 tis nostri Lutherani, dicentis, Episcopos Occi-
 dentis quidem se ipsos Potestati Episcoporum Ro-
 manorum, non vero Orientis subjecisse. Cete-
 rum horum Episcoporum verba non nihil fa-
 ciunt ad decidendam illam Quætionem a qui-
 busdam Canonistis motam; an eadem Potestas
 SS. Pontificis cum aut sine Concilio loquentis sit.

Si non damnas, quomodo Epistolam a te accipiamus, in qua te ipsum refellis & condemnas? Papa accepto hoc Imperatoris Responso, tabellas suas non misit.

Sæculum VI
A.C. 553.

His enarratis Constantinus sermonem profecutus est in hunc modum: Itaque credidit Imperator, necessarium esse, ut, antequam in causa de tribus Capitulis sententiam pronuncietis, oculis vestris litteras, quas in manibus habemus, exponeremus. Una Epistola manu Vigilii scripta ad Imperatorem directa est. Alia ad Theodoram Imperatricem Beatæ Memoriam alterius manu scripta, sed cui subscripsit Vigilius. Porro damnationis Sententia in Rusticum ipsius Propinquum & Sebastianum Ecclesiæ Romanæ Subdiaconum. Collatio septima. Ad sunt etiam epistolæ ad Valentinianum Scythiæ, & Aurelianum Arelatensem. Scitis etiam ipsum edidisse JUDICATUM, ad Mennam Archiepiscopum directum, in quo Tria Capitula damnat. Postea quidem illud sibi reddi petiit, sed addidit terribiles execrationes, nisi ea pure & simpliciter damnaret. Hinc Imperatori visum, istud etiam juramentum ad vos mittere, ea conditione, ut postquam perlectum fuerit, mihi illud reddatis. Ceterum hoc juramentum notum est Episcopis Occidentalibus, 26. Maji. Clericis Ecclesiæ Romanæ, & Vincentio Episcopo Claudiopolitano, qui cum esset

Sæculum VI. *Subdiaconus Romanus, ad illud conscriben-*
A.C. 553. *dum operam dederat.*

Quia vero Vigilus & Clerici ejus sæpe Imperatorem hortati sunt; ipsius esse conservare Ecclesiam in illo Splendore, quem omnes, dum viveret Pater ejus, admirabantur, ut ostendat, se & Imperatoris Patris sui animum referre, & inbære vestigiis, mittit ad vos Epistolam Justiniani ad Hypacium tunc temporis in Oriente Militiæ Magistrum datam, postquam ad ipsum relatum fuisset, quod aliqui Clerici Ecclesiæ Cyrensis Theodoretæ Imagini, atque Memoriam Theodori, Diodori, & Nestorii tanquam Martyris honorem habuissent.

Sup. n. 28.
29.

Omnia hæc monumenta perlecta; scilicet Declaratio, quam Vigilus Papa dederat Imperatori, & Imperatrici, in qua tria Capitula speciatim & sigillatim anathematizabat. Tum Sententia contra Rusticum & Sebastianum lata. Epistolæ datæ ad Valentinianum & Aurelianum. Lectum etiam Juramentum a Papa Theodoro Cæsariensi & Cethego Patricio præsentibus per Clavos Domini Nostri & quatuor Evangelia præstitum, in quo Imperatori promittebat, se cum ipso tota sua Potestate operam daturum, ut tria Capitula anathematizarentur, nec per se nec per alios quidquam moliturum, ut ea tueretur, sed hanc Causam communi omnium consensu

sensu tractaturum. Sed id quoque ve-
 rum, Imperatorem promississe hoc Ponti-
 ficis jusjurandum se nunquam vulgatu-
 rum. Datum erat 15. Aug. Indictione
 13. anno 550. Hæc acta in hunc finem
 Episcopis communicata, ut intellige-
 rent, ipsos ob Papæ absentiam deterreri
 non debere, quo minus tria Capitula
 damnarent, ab ipso Papa jam prius dam-
 nata.

Sæculum VI.
 A.C. 553.

Lecta postea est Epistola Justini Impe-
 ratoris ad Hypacium septima Aug. Ru-
 stico Consule anno 520. data, in qua per-
 cepta lectione actorum in Civitate Cy-
 rensi, Imperator Hypacio mandabat, ut
 in hanc causam inquireret.

p. 560.

Sup. lib.

XXXI.

§. 45.

Constantino Quæstore jubente lectum
 est deinde Mandatum Imperatoris, quo
 volebat, ut Nomen Vigili Papæ ex Dip-
 tychis tolleretur, quod Concilio inter-
 esse nollet, & tria Capitula defenderet.
*Nilominus, subdit Imperator, Sanctæ
 & Apostolicæ Sedi uniti remanemus, &* 26. Maji.
*nullatenus dubitamus, vos quoque in illius
 Communione remansuros.* Hæc Distin-
 ctio Sacræ Sedis & Papæ est notatu dig-
 nissima. (*) Concilium hoc Imperatoris

A a a 4

Man-

(*) Ecce Justinianus Imperator non tantum
 Juris peritus sed Auctor credebat, dari posse inter
 Papam & Sacram Sedem Distinctionem, cui P. Bal-
 duinus

Sæculum VI. Mandatum recepit, & approbavit; A. C. 553. Sententiam vero contra tria Capitula ferendam in aliam diem distulit. In quibusdam Exemplaribus illa, quæ Vigilio Papæ in hac septima Collatione maxime adversantur, omissa sunt; verisimile est, id tunc demum deletum, postquam Concilium approbasset.

§. L.

Collatio octava. Damnantur tria Capitula.

p. 562. *Evagr. IV. c. 37.* Collatio octava celebrata est secunda die Junii. Non singulorum Episcoporum suffragia collecta, sed statim Sententia, jam ante conscripta, recitata in hunc ferme modum: *Postquam cognovimus, Nestorii Sectatores impiam suam Doctri-*

duinus maledicit. Nempe qui ita distinguunt, volunt dicere, infallibilitatis Prærogativam a Christo Domino S. Petro concessam non tam singulis Summorum Pontificum Personis, quam Sacræ & Apostolicæ Sedi, id est, continuæ Episcoporum Romanorum Successioni inhærere. Fatendum etiam raro huic distinctioni esse locum. Ceterum nimium petiit Justinianus, dum voluit nomen Vigiliæ Papæ ex Diptychis auferri, & Patres nimium Imperatoris Voluntati indulserunt. Nec etiam istud Concilium Constantinopolitanum, priusquam illud Vigilius Papa ratum habuisset, Oecumenicum fuit.